

लाहना

व्यवसायिक पत्रकारिता, शैल्या आवश्यकता

LAHANA WEEKLY

वा:पौ

सा:गु भिंगु मरिचरिया नितिं लुमका दिस्स !

लक्ष्मण गजमाल /चिलिमि'
प्रोप्राइटर

लाखा छै
LAKHA CHHEN

सोहखुट्टे, वडा नं. १६, यै, फोन नं.: ४५६०७५८

प्रत्यक्ष कार्यकारी प्रमुखया निर्वाचन मजुइगु संविधान संशोधन निर्वाचन लिपाया संसदयात



लहना वा:पौ/ जेनजी आन्दोलन लिपा नीस्वंगु अन्तरिम सरकार प्रतिनिधिसभा भंग यायेधुंका: प्रत्यक्ष कार्यकारी प्रमुख ल्ययेमा:गु माग जेनजी आन्दोलनकारीतयूसं या:सां नं तत्काल प्रत्यक्ष कार्यकारीया निर्वाचन मजुइगु निश्चित जूगु दु ।

जेनजी आन्दोलन लिपा अन्तरिम सरकार नीस्वने न्ह्यः राष्ट्रपति रामचन्द्र

पौडेलं छुं ईया नितिं संसद न्ह्याका: संविधान संशोधन यायेगु सुभाब बिउगु ख:सा जेनजी आन्दोलनकारीतयूसं उगु खंयात स्वीकार मयायेवं सुशीला कार्कीयात अन्तरिम सरकारया प्रधानमन्त्री दयेकेगु ज्या जूगु ख: । वयां लिपा प्रधानमन्त्री सुशीला कार्की संसद विघटनया प्रस्ताव त:गु ख:सा राष्ट्रपति पौडेलं उकियात स्वीकार या:गु ख: ।

वयां लिपा प्रधानमन्त्री सुशीला कार्की देशवासीया नामय् सम्बोधन यायेगु इवल्य् न्हूगु संसद हे संविधान संशोधन याइगु खं धयादीगु ख: ।

सरकार नीस्वनेधुंका: जेनजी आन्दोलनकारी दथुइ हे विभाजन नं शुरु जूगु दु । जेनजी आन्दोलनकारीया नामय् थीथी व्यक्ति सक्रिय जूगु ख: । उकी विशेष याना: जुजुवादीतयूसं

ओलीलिसैं न्याम्हेसिया पासपोर्ट रोक्का

लहना वा:पौ/ पुलांम्ह प्रधानमन्त्री केपी शर्मा ओली सहित न्याम्हेसिया पासपोर्ट रोक्का यायेत सिफारिस या:गु दु । जेनजी प्रदर्शनय् जूगु दमन बारे छानबिन लिसे अनुसन्धान यायेत नीस्वंगु उच्चस्तरीय जाँचबुझ आयोगं तत्कालीन प्रधानमन्त्री ओली व गृहमन्त्र रमेश लेखकया लिसे न्याम्हेसित विदेशय् वनेगुलिं पनेत सरकारयात सिफारिस या:गु ख: ।

सरकारं पुलांम्ह गृहसचिव गोकर्णमणि दुवाडी, राष्ट्रिय अनुसन्धान विभागया पुलांम्ह प्रमुख हुतराज थापा व पुलांम्ह यैया प्रमुख जिल्ला अधिकारी छविलाल रिजालया पासपोर्ट रोक्का या:गु ख: । घटनाया अनुसन्धानया इवल्य् गुगुं नं इलय् आयोगय् वयेमा:गुलिं स्वनिगलं पिहां वनेत तर्क प्रतिबन्ध सरकारं त:गु ख: ।

सरकारं जेनजी प्रदर्शनया इवल्य् जूगु घटनायात कया: छानबिन व अनुसन्धान याना: कारबाहीया सिफारिस यायेत कार्यदेश सहित पुलांम्ह न्यायाधीश गौरीबहादुर कार्कीया अध्यक्षताय स्वम्ह दुज: दुगु जाँचबुझ आयोग नीस्वंगु ख: ।

प्रा. सुवर्ण शाक्ययात अभिनन्दन



लहना वा:पौ/थीथी खल: पुच: संघसंस्थाया ग्वाहालिइ व ने.सं. न्हूदैं राष्ट्रिय समारोह समिति ११४५ लिसैं ने.सं. न्हूदैं राष्ट्रिय संरक्षण समाजया खसालय् ने.सं. ११४५ यैलागा अमाई असोज ५ गते आइतवा: यैया खुसिबुई च्वंगु नेपा: ब्याक्वेटय् प्रा. सुवर्ण शाक्ययात त:जिक अभिनन्दन या:गु दु ।

न्हूदैं राष्ट्रिय समारोह समितिया न्हापांम्ह नाय: शिक्षाविद्, बौद्ध विद्वान, साहित्यकारलिसैं समाजसेवी प्रा. सुवर्ण

शाक्य अभिनन्दन ज्याइवल्य् मूपाहाँ कथं नेवा: न्ह्यलुवा: साहित्यकार हितकरवीर सिं कंसाकार उपस्थित जुयादीगु ख:सा ज्याइव:या सभापतित्व नेपाल संवत न्हूदैं राष्ट्रिय समारोह समिति ११४५ या नाय: राजेन्द्र प्रसाद श्रेष्ठ यानादीगु ख: ।

ज्याइवल्य् विशेष पाहाँ कथं नेवा: न्ह्यलुवा: नेपालभाषा एकेडेमिया चान्सलर मल्ल के सुन्दर, ने.सं. न्हूदैं राष्ट्रिय संरक्षण समाजया ल्यं ७ पेजय्

Trendiest Fashion
At Price You Love

ufo the clothing store
#FASHIONATTITUDE

तान्त:या पासा
कुल्फी व आइसक्रीम
भीपिया दिस्स ।

Himalayan Ice

घौ, दुरु, ह्यः, बटर व
क्रिम बजारय् उपलब्ध दु

सुर्खविनाथक नगरपालिका, वडा नं. १, सिहटार धन्सार, ख्वप
५८०८६०८७२५, ५८४५६४८३२५



नेवा: राष्ट्रिय म्ये

चवमि : दुर्गालाल श्रेष्ठ लय् चिनामि : तिर्थ माली

धुन दने धुन सँन्ध्यलं भी फुक्कं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अष्टमण्डल ह्यांगु चाः दुने थी नगु
भीगु नेवाः ध्वौय् थ्व हे खः ज्यान भी सकस्यां छगू
जातितय् स्वायत्त राज्य लुइ कपं च्वय् भिलिभिलि
राष्ट्र भःभः धाय्क न्ह्याके भीगु चःति भीगु हिं

सम्पादकीय



भ्रष्टाचारतय् कारावाहीया निति बालाक्क जाचबुभ्क आयोग अनिवार्य

तःधंगु भ्रष्टाचार व अनियमितताया कारणं समाजय् अप्वयाच्चंगु आक्रोशं जेन-जी सतकय् प्वंकुगुलिं सरकारय् हे उथलपुथल जगू दु। राजनीतिक व प्रशासनिक नेतातय्गु नां व सम्बन्धयात भ्रष्टाचारया मुद्दालिसे बारम्बार स्वानाच्चंगु तर उमित टास्कय् कायेगु म्हो जक जुइगु अवस्थायात व्यवधानय् लाकेगु नितिं जेन-जी आन्दोलनया माध्यमं पार्टीया परम्परागत नेतृत्वयात राजनीतिक वृत्तं पिने वां छ्वया बिउगु दु। कमसेकम वंगु ५-भिदैया तःधंगु भ्रष्टाचारया मुद्दायात दुयंक छानबिन यानाः दोषीयात सजाय बीफत धाःसा जेन-जी आन्दोलनया मू आजु पुवनी। समाचारय् वयाच्चंगु भ्रष्टाचारया फुक्क घटनाया छानबिन यानाः उकी दुथ्याःपिन्त कारवाही यात धाःसा देय्या तःधंगु श्रेय जुइ। भ्रष्टाचार विरोधी व अनियमितताया छवि दुम्ह जेन-जिया सिफारिसय् पूर्व प्रधानन्यायाधीश सुशीला कार्की प्रधानमन्त्री जगू दुसा उगु लक्ष्य पूर्वकेगु जिम्मेवारी वय्कःयाके दु। राज्यया नियमित संयन्त्रपाखें ज्यकं मफुगु वा ज्यकं मफुगु मुद्दायात कार्की सरकारं हे पहल यायेमाः।

अथे हे थीथी घोटाला काण्ड, गुकी शिविरय् लडाकुतय् आवासया नितिं पिकाःगु रकम २०६३ य माओवादी शान्ति प्रक्रियाय् दुहां वयेधुंकाः हिनामिना याःगु खः, ललिता निवास काण्ड, गुकी बालुवाटारय् सरकारी जग्गा निजी व्यक्तितात हस्तान्तरण याःगु खः। आः जुयाच्चंगु कोभिड महामारीया इलय् स्वास्थ्य उपकरण खरिद यायेगु, संचार माध्यम व नागरिक समाजं निरन्तर सः श्वयेकूसां नं सरकारं त्वपुया तःगु दु।

सरकारं नागरिकया सःयात सम्बोधन यायेमाःगु आवश्यक मताःगु दु कि बांसबारीया छ्यंगु व लाकां उद्योगया जग्गा जफत याःगु बांसबारी भूमि काण्ड व नक्कली भूटानी शरणार्थी काण्ड, गन राजनीतिक नेतृत्वं नं छगू गिरोहयात ग्वाहालि याःगु खः गुगु नेपाली नागरिकपाखें ध्यबा मुंकेगु ज्याय् सक्रिय जुयाच्चंगु खः व अमेरिकी नागरिकतय् कभागतबनभ मुद्दाया मूल थासय् थ्यंके मफुनि।

तःधंगु भ्रष्टाचार व अनियमितताय् छगू निगू वा अनेक दलया नेतातय्गु संलग्नता दुगु द्वपं दु। थुकिं भ्रष्टाचार काण्डय् राजनीतिक मिलेमतां क्यनाच्चंगु दु। गुकिया हुनिं राजनीतिक तहलय् कारवाहीया नितिं गुबलें नं सः पिहां वइमखु। उकिं थ्व इलय् राजनीतिक रुपं तटस्थ सरकार गठनया अवसरयात बांलाक सदुपयोग यायेमाः। थुपिं व मेमेगु थज्याःगु काण्डया निष्पक्ष छानबिन यानाः दोषीयात कारवाहीया दायराय् हयेगु ज्या जुल धाःसा राजनीतिक-प्रशासनिक नेतृत्व सम्बन्धी तःधंगु भ्रष्टाचार काण्ड म्हो यायेगु नितिं थ्व छगू शुरुवात जुइफु। छायाःसा अज्याःगु मुद्दा समाधान यायेगु पलेसा दमन व दमन यानातःगु मुद्दां नं भूमिका म्हित्गु दु उकिं थुज्वःगु काण्डया अनुसन्धान यायेगु थ्व आन्दोलनया जनादेश खः। निगूगु, राजनीतिइ व्यापक शुद्धिकरण जुइ, बांमलाःगु पात्रतय् किनाराय् लाकी। स्वंगूगु, भ्रष्टाचार व अनियमिततायात न्हूगु आक्रोश व आक्रोश ब्वलंके बीमखु। न्हापाया उच्च पदस्थ दोषीयात सजाय बिल धाःसा भविष्यय् अज्याःगु मुद्दा यायेत सुं नं लिचिली।

स्वीट्जरल्याण्डपाखे सयकेमाःगु संघीयता

लहना डेस्क

नेपालय् संविधान जारी जगू भीदै दयेधुकल। तर संविधान औपचारिक रुपं कार्यान्वयन जगू धाःसा २०७४ लिपा जक खः। निर्वाचन संघ, क्षेत्रीय व स्थानीय तहया अस्तित्वय् वःगु धका धायेमाः। सिंह दरवारय् जक केन्द्रीत जुयाच्चंगु राज्यसत्ता गां गामय् अधिकार थ्यंगु दु। चिचीधंगु ज्याया नितिं केन्द्रय् वनेमाःगु ज्या स्थानीय सरकारपाखे नं अपुक जगु दु आः।

मिसा, दलित, आदिवासी जनजाति, मधेसी, थारु, मुस्लिम, अल्पसंख्यक, सीमान्तकृत, अपांगता व मेमेगु समुदायपि तक राज्य सत्ताय् अपुक थ्यंगु दु। मुश्किलं १५, २० लाख बजेट छयलीगु नगरपालिकाया औसत ८० करोड बजेट छयले फइगु जगु दु।

२० दैं तक स्थानीय सरकार व लोकतन्त्रया संचार यायेगु शुरु जुल। माओवादी आन्दोलन, मधेश आन्दोलन, आदिवासी आन्दोलन, लगायत विस्थापित जुपिं थःथःगु थासय् लिहां वयेगु शुरु जुगु खः। द्वन्द्व, अलमल व मेमेगु हे ग्याःचिक्कु, भय, शान्तिया कारणं नेपाःमितय् छ्वाः चकंगु खः। थुगु उपलब्धिया कारण मध्ये २०७२ या संविधान खः।

संघीयता, समानुपातिक समावेशिता, गणतन्त्रवाद, कानूनया शासन संविधानया आधारभूत स्तम्भ खः। थुकियात सुदृढीकरण अर्थात् संविधान वा स्थिरता ज्यायेगु मू आवश्यकता खः। संविधानया मूल उद्देश्य स्थायी शान्ति, विकास, समृद्धि, व सुशासन खः। तर नागरिकया अपेक्षा व संविधानया भावना पूर्ववर्गुलिं नागरिकतय्गु दथुइ निराशा ब्वलनाच्चंगु खः। पार्टीतय्गु दथुइ सत्तामोहया कारण सरकार हिलेगु, अले थीथी भ्रष्टाचार काण्ड राजनीतिक दलया नेतापिं स्वानावःगुलि नेपाःमि दथुइ आक्रोश ब्वलनाच्चंगु कथं कायेमाः। जेनजी आन्दोलन उगु तया छगू ब्बः कथं कायेमाः। जेनजी आन्दोलन मू माग मध्ये छगू खः सरकारया माग वा स्थायित्व व सुशासन अप्वयेकेगु।

सत्ताय् थ्यकिइगु नितिं नेतातय्स नेपाःयात सिंगापुर व स्वीट्जरल्यान्ड दयेकेगु तक धायेगु याःगु खः।

स्वीट्जरल्याण्डया जनसंख्या स्वयेगु खःसा ९० लाख दु व भौगोलिक क्षेत्रफल ४१ हजार वर्ग किलोमिटर दु। नेपाःया जनसंख्या व भूगोल स्वया ३.६ गुणा म्हो खः। स्वीट्जरल्याण्डया भूगोल नेपाःया कर्णाली प्रदेश स्वयां भचा जक अप्वः खः।

अर्थशास्त्रया सिद्धान्त कथं तःधंगु भूगोल व जनसंख्या दुपिनिगु देशया जीडीपी चीधंगु देय् व जनसंख्या दुगु देय् स्वया अप्वः जुइ धकाः धाइ। तर अन्तर्राष्ट्रिय मुद्रा कोषया आउटलुक डाटाबेस २०२५ या कथं स्वीट्जरल्याण्डया जीडीपी नेपाः स्वयां २१ गुणा अप्वः दु। नेपाःया जीडीपी ४८ अर्ब अमेरिकी डलर खः गुगु स्वीट्जरल्यान्डया निदुगं अर्थात् १ हजार अर्ब अमेरिकी डलर दु।

प्रतिव्यक्ति आम्दानी स्वीट्जरल्यान्ड वा नेपाःया हे आम्दानी स्वयां ७५ गुणा अप्वः दु।

नेपाः १४८६ अमेरिकी डलर व स्वीट्जरल्याण्ड १ लाख ११ हजार ७१६ डलर खः। स्वीट्जरल्याण्ड सामाजिक, आर्थिक, पूर्वाधार, मानव विकास, शासन व्यवस्था जुइमा, हरेक क्षेत्रय् प्रभावशाली प्रगति याःगु दु। भ्रष्टाचारयात शून्य सहनशीलता दु। ट्रान्सपरेन्सी इन्टरनेशनलया कथं स्वीट्जरल्यान्ड विश्वया दकलय् म्हो

सदनात्मक संसद् दु। प्रतिनिधिसभा (नेसनलन काउन्सिल) व राष्ट्रियसभा (काउन्सिल अफ स्टेट)। निगुलिं संसदया अधिकार बराबरी दु (धारा १४८)। राष्ट्रियसभाय् प्रदेश कानून कथं निर्वाचित जुयाः वइ।

कानूनया तर्जुमा अतिरिक्त, स्वीस संसद राष्ट्रपति व मन्त्री नियुक्ति, न्यायाधीश नियुक्ति, मुख्यसचिवया नियुक्ति, सेनाप्रमुखया नियुक्ति थेंजाःगु ज्या याइ। सरकार व अदालतं याइगु ज्याया अनुगमन यायेगु अधिकार



स्वीट्जरल्याण्डय् संविधान व संघीयता १७७

दैं निसैं न्ह्यानाच्चंगु दु, म्वानाच्चंगु दु। अन नागरिकतय्गु भावना कथं संविधान हिला वःगु दु। आवश्यकता जुइवं संविधान जारी याइ, अले राज्य संरचना हिली।

भ्रष्टाचार दुगु देय् मध्ये छगू खः। जब कि नेपाः दकलय् अप्वः भ्रष्टाचार दुगु देय्या धलखय् लाःगु दु। चीधंगु देय् या जनसंख्या व भूगोल न्प व मेमेगु खँय याःगु छलाडया बारे भी नेतातय्स गुबलें चर्चा मयाः। इमिसं थःथम्हं हिले मफुत।

भौगोलिक कथं नेपाः कर्णाली प्रदेश स्वया भतिचा जक तःधंगु देय् स्वीट्जरल्याण्डय् २६ गु प्रान्त (क्यान्टन) या दथुइ विभाजित जुयाच्चंगु दु। स्वीट्जरल्याण्डय् १८४८ सेप्टेम्बर १२ य संविधान जारी जगु खः। स्वीट्जरल्याण्डय् संविधान व संघीयता १७७ दैं निसैं न्ह्यानाच्चंगु दु, म्वानाच्चंगु दु। अन नागरिकतय्गु भावना कथं संविधान हिला वःगु दु। आवश्यकता जुइवं संविधान जारी याइ, अले राज्य संरचना हिली। क्वय् आइएमआइएसएम स्थानीय सरकार प्रदेश अन्तर्गत दु। स्वीट्जरल्याण्डया प्रान्त बाय् क्षेत्राधिकार पूर्ण स्वायत्त स्थानीय सरकार खः।

संघीय सरकार व प्रदेश दथुइ स्वायत्तताय् हस्तक्षेप याइ मखु। सानिकटताया सिद्धान्तया बालाक्क छ यलाच्चंगु दु। प्रदेशया मातहत जूसां नं स्थानीय पूर्वाधार विकास व सेवा प्रवाहया ज्या स्थानीय सरकारं याइ। नेपालय् धाःसा स्थानीय सरकारया अधिकार संविधानय् दु। तर, संघीय सरकारं स्थानीय सरकारया हरेक ज्याय् हस्तक्षेप यानाच्चंगु खने दु। कर्मचारी छम्ह जक माःसा सिंहदरबारय् वनाः चाकरी यायेमाःगु आःतक चलन दु।

स्वीट्जरल्यान्डय् नेपालय् थें निगू

संसदं याइ। स्वीसपाखे संघीयताया खँ यक्व सयकेमाःगु विषय दु। मन्त्रीतय्गु ल्याः राष्ट्रपति सहित मुक्कं न्हयम्ह दइगु व्यवस्था संविधानय् दु। उमिगु कार्यकाल प्यदैया जुइसा उमिगु नियुक्ति निगुलिं सदनं याइ। गैरसांसद जक राष्ट्रपति व मन्त्री जुइगु व्यवस्था दु। राष्ट्रपतिया कार्यकाल दच्छिया जक जुइ। दच्छि लिपा मन्त्री जुइ। छकः राष्ट्रपति जुइ धुंक्मह हाकन जुइ मफइगु व्यवस्था स्वीट्जरल्याण्डय् दु। नेपालय् संघीय सरकार जक मखु, राजनीतिक दल लगायत प्रदेशया अधिकार संकुचित जगु दु। एकल अधिकार जुयाः आः तक प्रदेशय् प्रहरीया अधिकार बिउगु मनुनि।

स्वीट्जरल्यान्ड हालिमय् दकलय् तःधंगु लोकतान्त्रिक राष्ट्र मध्ये छगू खः। थुकिया मू आधार धइगु प्रत्यक्ष लोकतन्त्र (डाइरेक्ट डेमोक्रेसी) खः। अन प्यदैय् छकः जक मतदान यायेत मतदाता जक खः, कानून व संविधानया सहनिर्माता (कोलेजिस्लेचर) नं खः। संसदया स्वयां च्वय् अन नागरिक जुइ।

संसदं छु न कानून दयेकेत नागरिकपिं पाखे माक्वः सहलह यायेगु याइ। छगू लाख नागरिकतय्स ल्हाःचिं तयेधुकाः संविधान संशोधनया प्रस्ताव याये फइगु अन संविधानय् व्यवस्था दु। छुं नं कानून वा सन्धिया सम्बन्धय् ५० हजार नागरिक वा च्यागू प्रदेशं माग याये फइगु व्यवस्था संविधानय् दु थुगु विषययात जनमत संग्रहय् यकेमाः। स्वीट्जरल्यान्डय् संविधान आः तक निकः संशोधन जुइ धुंक्मगु दु।

जितेन्द्रबिलास बज्राचार्य

श्व यानाः
आत्मबल बल्लाई ।
अले मेपिं खनाः
उयाइ मखु धकाः
मारकाट यायेमाः
धाइपिं नं दु । श्व
दिन सं मोहनि
फइ । दानव दैत्य
स्वरुप भुइफसि,
तु, पालु नं स्वनी ।
बलिबीगु नं छगू
अलगा हे दर्शन
दु । न्हापा बलि
बीम्हेसित मु हाय्
की । मु हालकी
तिनि बलि बी । अले
न्हिपं चानाः बलि
म्हुती तयाः छ्यनय्
मतबी ।

फूलपाति अर्थात सप्तमि कुन्हु
नेवाःतयूगु खास हे ज्याइवः दइ मखु ।
थ्व कुन्हु विदाबीगु हनिं थ्व दिनसं



मू हायेकूगुया अर्थ पशु जुनि मुक्त
जुइ न्ह्याःला धकाः न्यंगु खःसा मु

तर मोहनि छू विशेष तन्त्र
विद्याकथं आराधना यानाः माकः
दलुख्य खालीगु सलिलं भव पुङ्काः
फइ । शुक्रियात श्रीथीकथं व्याख्या नं
यानाच्वंगु दु । प्रत्येक मनूया दुने दानव
नं दइ, द्यः नंदइ । दानव धाय् वं चञ्चल
व उच्छृङ्खल जुइ, गथे कि माकः थें
चञ्चल व कृति कृति सनीम्ह खः ।

अन्तर्गु मोहनि नखः बांमलाः
गु पक्षयात बांलाःगु पक्षं पराजय व
अज्ञानयात ज्ञानया विजय कथं हना
वयाच्चंगु खनेद् ।



राम प्रजापति
प्रोप्राइटर

हारती मिठाई भण्डार

(शुद्ध शाकाहारी)

कालिमाटी चौक, टंकेश्वर मार्ग, काठमाडौं ।
फोन नं. : ०१-५३७२९९९, मो. ९८०३९८०६९९

यहाँ:- विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईहरू तयार गरिन्छ ।

[illegible]

મોહનીયા નવમિ સુન્હુ ઘન્હુ જક ચાલીગુ ચૈયા

તલેજુ દેગ:



લક્ષ્મી

૨૦૮૨ અસોજ ૧૪ મંગલવા:



मोहनि विवाद : नेवा: संस्कृती वङ्गु विचलनया जिम्मा सुनां कायेगु ?



राजनलाल जोशी



खय्तला वय्कःपिनि नेवाःतय् थें तान्त्रिक मत कथं पूजा याय् म्वाः । वैदिक कथं यानादी । आगमय् बाहां स्याय्गु ज्यानिसें कयाः पायः न्ह्याकाः दीम्वाः । व जक मखु देय् दबूयात मोहनिया निर्णय बीगु भूमिकाय् उवहालि यानादीमह कीर्तिमदन जोशीजु गुम्ह स्वयम् लच्छि न्हयः हे मोहनि सिधल धकाः धया जुयादीमह खः वय् कः स्वयम् थःगु निर्णय प्रति अडिग जुया दीमफु ।

नेवाःत स्वन्ति जुलकि विशेष रुपं न्हयलं चाइ । लिमलां फमलां जुइ । अभला स्वन्तिया तिथी छुं च्वय् क्वय् लात धाःसा न्हयः हे वङ्गु । मानौ स्वर्ग कुतुवःथें महसुस जुइ । छटपट जुइ । तर मोहनि बलय् धाःसा म्हो जक वास्ता यानाच्चंगु दु । यःम्हेसिया यत्थे । गुकिं यानाः थुगुने थें थुगुसी नं मोहनि गबले न्याय्केगु धयागु अलमल । उकीसनं नेवाः देय् दबू थें जाःगु नेवाःतय्गु मंकाः संस्था धयाच्चंगु संस्था छुं दै न्हयः मोहनिया कुछिभ्वय् कात्तिक ३ गते, स्याक्व त्याक्व ४ गते व चालं ५ गते न्याय्केगु धकाः घोषणा यानाः बीव कुल परम्परा कथं मोहनि न्याय्काः वयाच्चंगु हाकनं छकः धर्म संकट लाः वंगु दु । दबू नं धाः थें मयात धाःसा विखण्डन जुइगु जुल । यात धाःसा थः हे खण्डित जुइगु जुल । थुकीं नेवाःत म्हगःतक राजनीतिक, आर्थिक अले प्रशासनिक रुपं ल्यूने लानाः वयाच्चंगुलि आः वयाः सांस्कृतिक रुपं नं खण्डित जुइ धुकल धकाः सी दुगु दु । थ्व नेवाःतय्गु नितिं विडम्बना धाःसां पाइमखुला ? थुकिया जिम्मेवारी सुनां काय्गु ?

उगु इलय् सन्ध्याटाइम्सय् छु च्वसु पिदन । हृदय प्रसाद मिश्र जुया । देय् दबुलिं पिकाःगु सुचं कथं मोहनि क्वःछीगु ज्याय् संलग्न मिश्रजुया च्वसु ब्वने दयाः जितः लय्ता सिबें दुःख ताः । व्यक्तित्व रुपं धाय्गु खःसा मिश्रजुं जितः मचाबलय् आखः ब्वकाःदीमह खः । व ल्याखं वय्कः प्रति जि नतमस्तक जुइ माः । तर, वय्कलं मोहनिया च्वसु च्वयाः न्हयथनादीगु तर्क नेवाःतय्गु सांस्कृतिक रुपं विखण्डन याय्गु नितिं गनं थुजाःगु ज्यां जक ल्हाः तयाच्चंगु मदुला धकाः शंका ब्वलनाः वः । कुं मि घुर्का नं मफ्याः वःगु लिच्चः जक खः थ्व च्वसु ।

वय्कलं च्वयादीगु च्वसुयात बः काय्बलय् वय्कलं विषय प्रसंगतक दुहां वनेत च्वयादीगु भूमिकाय् जिं छुं आलोचना याय् मखु । तर विषय प्रसंगय् दुहां वनेबलय् धाःसा कडा आपत्ती हे प्वकेत विवश जुया । वय् कलं निर्णयसिन्धु ग्रन्थया तिथि नक्षत्रयोर्योगे द्वयेरेवातु पालनम् । योगभावे तिथिग्राह्या देव्या पूवन कर्मणि । (तिथि व नक्षत्र छ्नु हे चूमलात धाःसा नक्षत्र तुत् जूसां वा

मगात /मन्त धाःसा हे तिथियात कया हे कर्म याय्माः) धकाः वय्कलं मोहनिया पर्वत न्हयकया दिल । थ्व ज्याय् देय् दबूया नं समर्थन दुगु जुल । निर्णय सिन्धुया बः कयादीमह मिश्रजुं उगु हे ग्रन्थय् इषस्य दशमी शुक्ला पूर्वा विद्धा न कारयेत । श्रवणेनापि संयुक्तां राजापट्टाभिषेचने । अर्थात्, द्यः विसर्जनया ज्या दशमीया न्हयः याय् मते । जुजुयात जल अभिषेक श्रवण नक्षत्र दुबलय् बी मज्यू धइगु इवः गथे मखन ?

खय्तला वय्कःपिनि नेवाःतय् थें तान्त्रिक मत कथं पूजा याय्माः । वैदिक कथं यानादी । आगमय् बाहां स्याय्गु ज्यानिसें कयाः पायः न्ह्याकाः दीम्वाः । व जक मखु देय् दबूयात मोहनिया निर्णय बीगु भूमिकाय् ग्वहालि यानादीमह कीर्तिमदन जोशीजु गुम्ह स्वयम् लच्छि न्हयः हे मोहनि सिधल धकाः धया जुयादीमह खः वय्कः स्वयम् थःगु निर्णय प्रति अडिग जुया दीमफु ।

उज्वःमह व्यक्तित्व लच्छि लिपा मोहनि न्याय्कीपिन्त गुगु हैसियत निर्देशन बियादिल जिं मस्यु । थथे थःगु कार्यक्षेत्र पिने लाःगु विषयवस्तुइ निर्णय बीगु धयागु हस्तक्षेप मखुला ? खय् तला सरकारी घोषणायाःगु दिं खुन्हु हे चालं याइपिं नं दु । गुपिं मूलतः सरकारी आम्दानीपाखें संचालित जुइपिं खः । उमिगु थन प्रतिक्रिया बी आवश्यक मताय्का ।

थन अखण्डित रुपं सूर्यः छु तिथी उदय जुल व हे पर्व जुइ धाईपिं दथ्वी गडबड याय्गु ज्या जूगुलिं जक पतिं धस्वाके माःगु खः । मिश्रजु लगायत

देय् दबुलिं वृहत पुरश्चर्याणव धइगु तन्त्र सफुति छाये मिखा ब्वय् मफत ? छाथिक उगु ग्रन्थय् नवम्यां दशमी मिश्रा नापिदेवी विसर्जनम् । ततु विसर्जन दृष्ट लक्ष्मी विद्या वलापहम् ॥ (नवमी दय्क दशमी याय् मज्यू । अथे यात धाःसा धन व विद्या न्हनी) । आः थ्व इवःयात गुकथं व्यवस्थापन याय्गु नेवाःतय्गुसं धयादिसै ?

सन्ध्याटाइम्स न्हिपति पिदंगु च्वसुति मिश्रजुं देवी पुराण, स्कन्द पुराण व हेमाद्रिया नं बः कयादीगु दु । स्वंगु सफूया आशय दशमी मदुसां व हे न्हि खुन्हु पूजा क्वचाय्के माः हं । अथे खःसा महर्षि कश्यपया थ्व वचन गुकथं छयलेगु ले ?

उदये दशमी किञ्चित् सम्पूर्णकादशी यदि । आश्विने शुक्लपक्षे तु सा तिथिर्विजयाभिधा ॥

(छुं भचा जक पला दशमी दु अनं लिपा एकादशी जूसां व विजया दशमी हे जुइ) । थुगुसी सुथय् न्हापां दशमी मदु । थ्व ल्याखं पूजा न्हय काय्गु धयागु आशय खःसा वय्कलं न्हयथना दीगु देवी पुराणय् च्वयातःगु इवः तिथिवृद्धी तिथिक्षये नवरात्रमपार्थकम् । (तिथि म्त्वः जूसां बुद्धि जूसां गुन्हु हे पूजा याय्माः) यात गुबलें ब्वने मफइकथं हुइमाल । वय्कलं हे बः कयादीगु देवी पुराणय् प्रातरावाहयेद् देवीं प्रातरेव विसर्जयेत् ॥ (विजयादशमीया पूजा नं सुथय् हे विसर्जन याय्माः च्वयातःगु पाय्छि मजू धाय् फय्के माल । अथेहे महर्षि धौम्यया आश्विने मासि शुक्ले तु कर्तव्यं नवरात्रकम् । प्रतिपदादिक्रमेण यावच्च नवमी भवेत् । - महर्षि धौम्य

प्रातरावाहयेद् देवीं प्रातरेव प्रवेशयेत् । (आश्विन शुक्ल पारु निसें नवमी गुन्हु तक मदिक पूजा या) धाःगु पाय्छि मजू धाय् फय्केमाः ।

उबलेया समस्या धयागु चालं खः । चालं मदुगुलिं च्वय् न्हयथनागु शास्त्रीय प्रमाणया आधारय् नं एकादशीं दशमी याय् ज्यु धयागु स्पष्ट जू । तर, दशमी छू मदुगुलिं देय् दबू लगायतयापिन्सं निगू - स्वंगु पर्वयात हे न्हयःने धवाय्गु गुलितक पाय्छि ? वय्कःपिन्सं निश्चित ई लिपा हे मेगु तिथि शुरु जुइ धइगु तर्क न्हयःने तय्गु खःसा मेगुशिन उत्पादन थें टाइमटेबुल तयाः पर्वपूजा न्ह्याके फइला ? अथे धयागु कात्तिक ४ गते सुथसिया ८ः४० दुने अष्टमीया कुछिभ्वय् याय्फुला । स्याक्वत्याक्वया सीकाभु मयासें गथे यानाः पायः न्ह्याकेगु? विचाः याय् माः ।

दकले लिपा नेवाः ख्यःया संस्कृतिविदीपिं नं थुजाःगु विवादया इलय् गंभीर जुइमाः । थुजाःगु इलय् संस्कृतिविदत सुक च्वनेगु अवसरवादी चरित्र भाय्प्वः मेता मखु । दक्वसिनं स्यूगु खँ वा बूगु जा नय्त जक संस्कृतिविद जुइमखु । मेगु खँ थुगुसीया पर्व न्हय काय्गुयात नेवाः देय् दबू लगायतं गुगु साक्षी च्वनेगु ज्या यात थुकें कन्हय् वङ्गु स्वन्ति विवादय् नं थ्व हे कथंया नजिर जू वनी । पारु मदु वा बहनी मदु धकाः छुं दै न्हयः औशीं म्हपूजा याकेगु गुगु कुतः यात उकियात थुगु मोहनिया देय् दबुलिं याःगु निर्णय नजिर जू वनी । उगु इलय् छकः हाकनं नेवाःत थः थवं हे क्षण जुइगु अवश्यभावी जुइ ।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटरिङ पनि गरिन्छ ।

हरेक मंगलवाः

राष्ट्रियताको लागि समर्पित



मेरो साप्ताहिक

मेरो साप्ताहिक

Mero Saptahik

मालाः मालाः ब्वनादिसै ।

रामशेखरयात प्रेम-मोहनगीता सिरपा:



लहना वा:पौ/थुगुसीया प्रेम-मोहन गीता सिरपा: ख्वपया नांजा:म्ह साहित्यकार व कलाकार स्व. रामशेखर नक:मियात ल:ल्हा:गु दु। निर्दय छक्क: उपन्यास व नाटक विधायत पालंपा: ल:ल्हाना वयाच्वंगु प्रेम-मोहनगीता सिरपा: म्हिग: नाटक विधायत ल:ल्हा:गु ख:। ६० द्र: तकालिसेंया सिरपा:या नितिं खुगू नाटक सफुतिं धेंधेंबल्ला: या:गुली क्ववालामिपिसं रामशेखरया 'भजगोविन्दम्' उत्कृष्ट ताय्कुसैं सिरपा: ल:ल्हा:गु ख:। वि.सं. २०७३ सालय् मद्रुम्ह नक:मिया नाटक मुना 'भजगोविन्दम्' हुं ई न्ह्य:जक पिथंगु ख:। वय्क:या काय् गणेश शेखर नक:मिं उगु सिरपा:

ल:ल्हाना: कयादीगु ख:।

उगु हे ज्याइवलय् नाटक विधायता न्हू प्रतिभायात ल:ल्हाइगु विदुर ह:पा: सिरपा: शशिकला मानन्धरयात ल:ल्हा:गु दु। वय्क:यात २५ द्र: तकालिसैं दसिपौ ल:ल्हा:गु ख:। वय्क:या कृति 'चन्द्रहार'या नितिं उगु सिरपा: ल:ल्हा:गु ख:।

ज्याइवलय् नाटक विधा च्वन्त्याकेत योगदान बियादीगुलिं विशिष्ट व्यक्तित्वकथं जनकवि दुर्गालाल श्रेष्ठयात विशेष हना ल:ल्हा:गु ख:।

वय्क: जनकवि श्रेष्ठ नाटक विधापाखें हे साहित्यिक यात्रा न्ह्याकादीगु ख: अले नेपालभाषाया

यक्व हे नाटक च्वयेगु व प्याखंम्ब: जुया: म्हिनेगु ज्या नं वय्कलं यानादीगु दु। वय्क:यात २५ द्र: तकालिसैं हनापौ देछासैं हनेज्या या:गु ख:। उसाँय्या हुनिं वय्क: ज्याइवलय् भायादी मफुगुलिं वय्क:या काय् सुमन श्रेष्ठ हना ग्रहण यानादीगु ख:।

ज्याइवलय् नाटक विधायता विशेष सम्मानकथं 'अमूर्त किपा'या नाटककार महेशमान डंगोल 'लँजुवा:यात १० द्र: तकालिसैं हनेज्या या:गु ख:।

सिरपा: त्याकामिपिं व हनामिपिन्त दाता स्व. इ. मोहनकृष्ण डंगोलया त:धिक:म्ह काय् वंशीकृष्ण डंगोलं तका सिरपा: ल:ल्हानादीगु ख:सा मूपाहाँ शाक्य दसिपौ ल:ल्हानादीगु ख:।

प्रेम-मोहनगीता सिरपा: गुथिया नाय: पवित्र कसा:या नाय:सुइ जूगु ज्याइवलय् त्रिविया पूर्वडीन डा. कुसुम शाक्य मूपाहाँकथं भायादीगु ख:। उगु हे ज्याइवलय् वीर बहादुर बासुकलाया जीवनीया लिधंसाय् च्वयात:गु 'डायरी भित्रको नागार्जुन' नं पितब्वज्या जूगु ख:।

वाकबज्र मैत्री समाजया निक्व:गु दँमुँज्या

लहना वा:पौ/बज्रयान बौद्ध धर्मया विकास यायगु ता:तुना नीस्वनात:गु वाकबज्र मैत्री समाजया निक्व:गु दँ मुँज्या नेसं ११४५ कौलाख्व षष्ठी २०८२ साल असोज १२ गते आइतवा:या करुणापुर महाविहार मुस्याबहालय् या:गु दु।

समाजया नायो सजन रत्न बज्राचार्यया सभा नायोसुइ न्ह्या:गु थुगु ज्याइवलय् त्रिरत्न शरण गमन गुरुवर राजु बज्राचार्य याना बिज्यागु ख:। बौद्धविज्ञ बुद्धरत्न बज्राचार्यजुया मूपाहाँसुइ न्ह्या:गु थुगु ज्याइवलय् समाजया न्वकु अनिल चन्द्र बज्राचार्य लसकुस न्वचु बिया बिज्यागु ख:।

मू पाहांपाखें क्वा:पाद्य:, वाकबज्रया किपातय् खागा न्ययका व दीप प्रचवलन याना न्ह्या:गु थुगु ज्याइवलय् समाजया मानार्थ सदस्यता समाजया नायो सजनरत्न बज्राचार्य ल:ल्हायगु ज्या नं जूगु ख:। उगु मानार्थ सदस्यता बुद्धरत्न बज्राचार्य, बौद्ध विदुषि सुमति बज्राचार्य, शान्त श्रीरत्न बज्राचार्य, नविन मानन्धरपिन्त ल:ल्हायगु ज्या जूगु ख:। थुकथं हे समाजय् न्हूपिं दुज:पिन्त सदस्यता ल:ल्हायगु ज्या नं जूगु ख:। समाजया दुज: मदनहर्ष बज्राचार्य न्ह्याका



बिज्यागु उगु ज्याइवलय् शान्त श्रीरत्न बज्राचार्य, अरुण कुमार बज्राचार्य, अमर रत्न बज्राचार्य, १७ वडा नायो नविन मानन्धरपिन्सं थ:थ:गु नुग: खैं नं प्वंका बिज्यागु ख:।

थुगु ज्याइवलय् अरुण कुमार बज्राचार्य बज्राचार्यपिन्सं इन्टरकास्त इहिपा यानात:गु जुसां नं छिंछिं कथया ज्याखैं वय्क:पिन्त नं दुथ्याका: बज्राचार्यपिन्त संगठीत याना बज्राचार्यपिनिगु भविष्य उज्जल याना वनेमा:गु खैंय् नं बिया बिज्यागु दु। गुकिया नितिं मा:कथं पला: न्ह्याका वनेमा:गु खैंय् नं ब: बिया बिज्या:गु दु। थुकथं हे शान्त श्रीरत्न बज्राचार्य भीसं थ:गु महत्वयात वा: चायका ज्याखैंत याना भीगु हैसियत न्ह्यावलें

उच्च तथा: तयगु ज्याखैंय् पला: छिना वनेमा:गु खैंय् ब: बिया बिज्यागु दु।

उगु दँ मुँज्याय् समाजया सचिव सुजन रत्न बज्राचार्यया प्रगति प्रतिवेदन वसपोलया कार्यव्यस्तताया हुनिं महनहर्ष बज्राचार्य न्ह्योब्वया बिज्यागु ख:सा दांभरिं पूर्णरत्न बज्राचार्य ल्या:चा: न्ह्योब्वया बिज्यागु ख:।

ज्याइव:या मूपाहाँ बुद्धरत्न बज्राचार्य आर्शिवचन बिया बिज्यागु उगु ज्याइवलय् समाजया गुरुवर राजु बज्राचार्यजुं नं थ:गु नुग: खैं तथा बिज्यागु ख:सा ज्याइव:या अन्तय् समाजया नायो सजन बज्राचार्यजुं थ:गु खैं तथा सभा क्वचायका बिज्यागु ख:। उगु दँ मुँज्याय् थीथी बौद्ध संघसंस्थाया प्रतिनिधिपिनिगु उपस्थिति दुगु ख:।

नेपाल संवत छ्यलाबुलाया अवस्था व भावी योजनायात कया: सहलह

लहना वा:पौ/नेपाल संवत न्हूदैं राष्ट्रिय समारोह समिति ११४५ या ग्वसालय् नेपाल संवत छ्यलाबुलाया अवस्था व भावी योजनायात कया: सहलह ब्याकूगु दु।

वंगु मंगलवा: यैंया नेपा: ब्याक्वेटय् न्हूदैं हनाच्वंगु थीथी खल: पुच: व संघसंस्थाया दथुइ थथे सहलह मुँज्या या:गु ख:। समारोह समितिया सचिवालय दुज: उमेश स्थापित नेपाल संवतया छ्यलाबुलाया अवस्था व भावी योजनायात कया: कार्यपत्र न्ह्यब्वयादीगु ख:। वय्कलं न्ह्यब्वयादीगु कार्यपत्रय् सरकारी दस्तावेजय् नेपाल संवतयात छ्यलेगु निर्णय सरकारं यायेधुंकूसां सरकारी निकाय नं थुकिया अभ्यास अभ्र नं अपूर्ण व असंगठित खनेदूगु खैं न्ह्यब्वयादीगु दु।

अथेहे, उगु कार्यपत्रय् नेपाल संवतया छ्यलाबुला

वर्तमान अवस्थायात कया: संघीय सरकार, प्रदेश सरकारया बागमती प्रदेश स्थानीय सरकार अन्तर्गत स्वनिग:या २१ गू पालिकाय् नेपाल संवतया छ्यलाबुला गुकथं जुयाच्वंगु दु ? थ्व खैं नं न्ह्यब्व:गु दु।

कार्यपत्रय् वंगु दँय् नेपाल संवत राष्ट्रिय कार्यशाला गोष्ठीं क्व:छ्यूगु १४ बुँदे घोषणा पत्रयात कया: नं थीथी खैं न्ह्यथनात:गु दु। अथेहे, उगु १४ बुँदे घोषणा कार्यान्वयन संघीय सरकार, प्रदेश सरकार, स्थानीय तह व जनसमुदाय दथुइ गुकथं न्ह्याकेगु धैगु खैं नं न्ह्यथनात:गु दु। न्हूदैं समारोह समितिया नाय: राजेन्द्र श्रेष्ठया सभापतित्वय् जूगु उगु सहलह ज्याइवलय् नेवा: न्ह्यलुवा: लिसें नेपालभाषा एकेदेमिया नाय: मल्ल के सुन्दर, समाजया कजि प्रा.डा. नरेशमान बज्राचार्यलिसेंयापिसं नुग:खैं तयादीगु ख:।

प्रत्यक्ष कार्यकारी

नारायणहिंतिइ प्रतिस्थापन यायेगु खैं धा:गु ख:सा स्वयम् ज्ञानेन्द्र शाहं तर्क उकियात स्वीकार मया:गु खैं सीदुगु दु। जेनजी आन्दोलनकारीतय्सं थ:पिनिगु बटम लाइन प्रत्यक्ष निर्वाचित कार्यकारी प्रमुख जुसां नं पुलांम्ह जुजु प्रतिस्थापन यायेगु थ:पिनिगु आन्दोलनया उद्देश्य मखु खैं स्पष्ट यायेगु यानाच्वंगु ख:।

थुकथं जेनजी पुस्तां थ:पिनिगु राजनीतिक लाइन स्पष्ट याये मफयाच्वंगु इलय् हे थीथी क्षेत्रय् सक्रिय जुयाच्वपिं मनूतय्सं सामाजिक सञ्जालय् भ्रम न्यकेगु ज्या नं न्ह्याकाच्वंगु दुसा जेनजीया नेतृत्व यानाच्वंम्ह सुदन गुरुङं नं प्रधानमन्त्रीया लिसें थीथी मन्त्रालय वना: कर्मचारीतय्त दबाब बीगु ज्या यानाच्वंगु खैंय् जेनजीया मेगु पुच: धा:सा असन्तुष्टि प्वकेगु ज्या यानाच्वंगु दु। गुरुङया ज्यायात कया: जेनजी आन्दोलनया आह्वान या:पिं रक्षा बम पुचलं असन्तुष्टि प्वकाच्वंगु ख:।

प्रा. सुवर्ण.....

नाय: प्रा.डा. नरेशमान बज्राचार्यपिं उपस्थित जुयादीगु ख:सा पाहाँ कथं न्हूदैं राष्ट्रिय समारोह समितिया पुलापिं नाय:पिं डा. महेशमान श्रेष्ठ, डा. चुन्दा बज्राचार्यपिनिगु उपस्थिति दूगु ख:।

अथेहे, मेमेपिं पाहाँ कथं नेवा: देय् दबूया नाय: पवित्र बज्राचार्य, यैं महानगरपालिका २३ वडाया नाय: मचाराजा महर्जन, जनबहा:द्य: रथजात्रा व्यवस्थापन समितिया नाय: निलकाजी शाक्य, इन्द्रजात्रा व्यवस्थापन समितिया नाय: गौतमरत्न शाक्य, पुलांम्ह बागमती प्रदेशया मुख्यमन्त्री अष्टलक्ष्मी शाक्य, पुलांम्ह मन्त्री कृष्णगोपाल श्रेष्ठ, बरिष्ठ महान्यायाधिवक्ता मुक्ति प्रधान, यैं महानगरपालिकाया पुलांम्ह मेयर विद्यासुन्दर शाक्यलिसें थीथी व्यक्तित्वपिनिगु उपस्थिति दूगु ख:।

ज्याइवलय् गुरुजुपिनिगुपाखें

बौद्ध मन्त्रोचरण ब्वज्या जूगु ख:सा ज्याइव:या सभापति न्हूदैं समारोह समिति ११४५ या नाय: राजेन्द्र श्रेष्ठ लसकुस न्वचू बियादीगु ख:।

ज्याइवलय् स्वयम्भू ज्ञानमाला भजन खल:पाखें अभिनन्दित जुयादीम्ह प्रा. सुवर्ण शाक्यया च्वसां पिज्व:गु बुद्ध भजन न्ह्यब्व:गु ख:सा जनकवि दुर्गालाल श्रेष्ठया चिनाखैं नारद बज्राचार्य न्ह्यब्वयादीगु ख:।

अथेहे, लोककवि राजभाई जक:मिं प्रा. सुवर्ण शाक्यया व्यक्तित्वयात कया: च्वयादीगु म्ये संगीतक:मि पवित्र कसा: नं न्ह्यब्वयादीगु उगु ज्याइवलय् म्ये हालामि नीशा देशार व विपना शाक्यं प्रा. सुवर्ण शाक्यं च्वयादीगु म्ये न्यंकादीगु ख:।

ज्याइवलय् प्रा. सुवर्ण शाक्यं ख्याल: विधाय् च्वयादीगु थीथी खैंत शरद कसा: नं न्ह्यब्वयादीगु ख:।

प्रा. सुवर्ण शाक्यया अभिनन्दन ज्याइवलय् मूवक्ता कथं उपस्थित जुयादीम्ह नेवा: न्ह्यलुवा मल्ल के सुन्दरं प्रा. शाक्यया व्यक्तित्वयात कया: थ:गु नुग: खैं तयादीगु ख:।

ज्याइवलय् प्रा. सुवर्ण शाक्ययात मूपाहाँ हितकरवीर सिं कंसाकारया ल्हा:तं दोसल्ला लिसें प्रा.डा. नरेशमान बज्राचार्यया ल्हा:तं बेतालिं चिकेगु ज्या जूगु ख:।

अभिनन्दित जुयादीम्ह प्रा. शाक्ययात नेवा: परम्परा कथं छ्यैं सगं ल:ल्हानादीगु ख:सा सभानाय: राजेन्द्र श्रेष्ठपाखें हनापौ ल:ल्हानादीगु ख:।

अभिनन्दन ज्याइवलय् उपस्थित जुयादीपिं थीथी व्यक्तित्वपिनिगु पाखें खादा गा व देखा ल:ल्हायेगु ज्या नं जूगु ख:सा मूपाहाँ हितकरवीर सिं कंसाकारपाखें नुग: खैं तयादीगु ख:।

अथेहे, ज्याइव:या मू व्यक्तित्व प्रा. सुवर्ण शाक्यं नं नुग:खैं तयादीगु अभिनन्दन ज्याइवलय् प्रा.डा. नरेशमान बज्राचार्य सुभाय् न्वचू तयादिसैं ज्याइव: क्वचायेकादीगु ख:। ज्याइव: प्रा. प्रेमहिंरा तुलाधरं न्ह्याकादीगु ख:।

जेन-जी आन्दोलनया घा:पा: जूपिन्त म्हसीका पौ इनेज्या

लहना वा:पौ/गृहमन्त्री ओमप्रकाश अर्याल अस्पतालय् हे थ्यंका जेन-जी युवापुस्ता आन्दोलनया इवलय् घा:पा: जूपिन्त म्हसीका पौ इनेज्या या:गु दु। गृहमन्त्रालयया निर्णय कथं जेन-जी आन्दोलनया इवलय् घा:पा: जूपिन्त म्हसीका पौ इनेज्या लिसें अस्पतालय् डेडिकेटेड जेन-जी क्लिनिक तर्क पलिसस्था

या:गु दु। घा:पा: जूपिनिगु फलोअप वास: यायेगु नितिं व्यवस्थित जुइमा धैगु आज्जुं स्वनिग:लिसें देय् न्यंकंया भिर्खुगू अस्पतालय् जेन-जी क्लिनिक पलिसस्था या:गु ख:। लिसें जेन-जी आन्दोलनय् घा:पा: जूपिन्त अस्पतालतक नि:शुल्क वये वनेगु नितिं तर्क व्यवस्था मिलेया:गु मन्त्रालयं जानकारी ब्यूगु दु। जेन-जी

आन्दोलनया घा:पा: जूपिनिगु वास: यायेत सहजताया नितिं अस्पतालय् फोकल व्यक्तपिं नं क्व:छ्यूगु दु।

स्वनिग: दुने वीर अस्पताल, राष्ट्रिय ट्रमा सेन्टर, निजामती कर्मचारी अस्पताल (सिभिल अस्पताल), पाटन स्वास्थ्य विज्ञान प्रतिष्ठान व त्रिवि शिक्षण अस्पताल महाराजगञ्जय् जेन-जी क्लिनिक पलिसस्था या:गु दु।

न्ह्यज्या खलःया स्थापना दिवस हन



ऐतिहासिक ज्याइवल्य पितव्वज्या यानादीगु खः ।

तात्कालिन निर्दलीय पञ्चायती व्यवस्थाविरुद्ध अभियान न्ह्याकेगु इवल्य २०१८ साल्य न्ह्यज्या खलः स्वंगु खः । न्ह्यज्या खलःपाखें निरन्तर भाषा, साहित्य, शिक्षा, सामाजिक व राजनीतिक चेतना थनेगु ज्या यानावयाच्वंगु दु । विशेष यानाः खवपया नागरिकतयूत थ्व संस्थां सामाजिक उत्तरदायित्व बहन याकुसैं शैक्षिक जागरणपाखें क्षेत्रगत विकास्य भूमिका निर्वाह याःगु दु ।

न्ह्यज्या खलः थिमिया परिकल्पनाकार बैकुण्ठ हरि साहु श्रेष्ठ खः । खवपय् न्ह्यज्या खलः थें हे विराट नेपालभाषा साहित्य सम्मेलन गुठी व नेपालभाषा साहित्य तःमुँज्या नं सक्रिय रुप न्ह्यानाच्वंगु दु ।

लहना वाःपौ/खवपया न्हापांगु सामाजिक संस्था न्ह्यज्या खलः थिमि ६४ क्वःगु स्थापना दिवसया सन्दर्भ्य साहित्यिक व सांस्कृतिक ज्याइवः जुगु दु । खलक दैयदसं मोहनीया नःला स्वने खुनु थुगु ज्याइवः न्ह्याकावयाच्वंगु खः ।

ज्याइवल्य साहित्यकार कृष्णमोहन जोशीया 'मुक्तिया निति' नांगु चिनाखें मुना पितव्वज्या याःगु खः । शैक्षिक, राजनीतिक, सांस्कृतिक व सामाजिक चेतना अभिवृद्धि यायेगु आजु २५ दै न्ह्यःनिसें मुनातःगु चिनाखें मुनायात जोशी खलःया

उपलब्ध हुने | डेरी, मासु, बेकरी उद्योगकालागि चाहिने उपकरणहरू, प्याकिङ मेसिन, प्याकिङ सामानहरू | मेटेरियलहरू, विविध केमिहलहरू तथा विविध औद्योगिक उपकरणहरू ।

ठ्याकुम प्याकिङ मेसिन

मिडिकल मेसिन

अपेक्षित प्रत्येक अवसरमा नै कसरी उपकरण र मेशिन

मिल्क क्यान

किम सेपरेटर मेसिन

प्लेट चिलर

श्रेष्ठ ट्रेड मेडिया

श्री लाल मयल १३ टंकेश्वर (आउती जाने बिष्णुमती पुलसंगै) काठमाडौं । फोन : ८२७०६८८/९८५९०८८५५२
Email: laltc@wlink.com.np, lal265shrestha@gmail.com, laltc@hotmail.com
A House of Dairy Equipment & Chemicals
साना ठेरी उद्योग सञ्चालन गर्न आवश्यक प्राविधिक तथा आर्थिक सल्लाह

नेपालभाषा मंकाः खलः यलया

तःमुँज्याया सुचं

थ्व हे वइगु ने.सं. ११४६ कछलागाः एकादशी (२०८२ कार्तिक २९ गते) शनिवाः कुनु नेपालभाषा मंकाः खलः यलया भिंयक्वःगु तःमुँज्या जुइगु सुचं बियाच्वना । मंकाः खलः यलया विधानकथं थुगु संस्थाय् म्हछि दुजः, जिवंकाछि व संस्थागत दुजः जुयादीफु । नापं पुलापिं म्हछि दुजः भाजुमय्जुपिसं जः न्हूधाः यानादीत दुनुगलनिसें इनाप यानाच्वना ।

ज्याकुथि चालीगु : सुथसिया ८:००-१०:०० तक

थाय् : नेपालभाषा मंकाः खलः यल, त्यागः, पिलाछें ।

फोन ल्याः : ०१५४४०८०५, ९८४४८४४६६६



हिराकाजी महर्जन

नायः, नेपालभाषा मंकाः खलः यल

त्यागः, पिलाछें

नोट : दुजः न्हूधाः व न्हू दुजः ने.सं. ११४५ कौलागाः एकादशी (२०८२ असोज ३१ गते) शुक्रवाःतकया दुने दुजः जुयादीपित जक मतदानया अधिकार दइ ।

रेविजः तथ्य बुभौं, त्रसित नहोऔं ।

रेविजः कुकुर तथा जंगली जनावरको टोकाईबाट मानिसमा सार्ने प्राणघातक रोग हो ।

यसबाट बच्नः

- घरपालुवा जनावरलाई नियमितरुपमा रेविजविरुद्धको खोप लगाऔं,
- जनावरले टोकेमा तुरुन्तै साबुन पानीले कम्तीमा १५ मिनेटसम्म राम्रोसँग धोऔं,
- जनावरले टोकेमा तुरुन्तै नजिकैको स्वास्थ्य संस्थामा सम्पर्क गरौं,
- स्वास्थ्यकर्मीको सल्लाहबमोजिम रेविजविरुद्धको खोप लगाऔं,
- कुकुर तथा घरपालुवा जनावरलाई खुल्ला रुपमा नछाडौं,
- जंगली वा अपरिचित जनावरसँग टाढा बसौं,

रेविजको उपचार हुँदैन, सतर्कता अपनाऔं !



नेपाल सरकार

विज्ञापन बोर्ड

छत्रपाटी निःशुल्क चिकित्सालय (अस्पताल)

"स्त्रीय शूलभ स्वास्थ्य सेवा सकसिया निति, असहायया निति जक निःशुल्क"

उपलब्ध सेवा

२४ घण्टा सेवा

- इमरजेन्सी
- प्याथोलोजी
- एक्स रे
- ई.सी.जी
- औषधि पसल
- अन्तरंग सेवा

शल्यक्रिया

- मोतिक्ल
- अस्त्र मसुरी
- नाक काट पट्टी सम्बन्ध
- हाडतली तथा तन्तु सम्बन्ध
- जिम विरुद्ध पिताम नलीको उत्तर सम्बन्ध

अतिरिक्त सेवा

- मुटु रोग
- फेड रोग
- युरोलोजी
- स्त्री रोग
- बाल रोग
- क्यान्सर रोग
- दन्त रोग
- आँखा रोग
- जननय मेडिसिन
- अर्ध तथा चीन रोग
- नाक काट पट्टी रोग
- जननय हेल्थ चेक अप
- पाइरोडिड
- मधुमेह

समेजु सेवा

- ट्रेसिङ
- इन्पट्रीस्कोपी
- कोलोनीस्कोपी
- फिजियोथेरापी
- अल्ट्रासाउण्ड स्नर इन्जर र इको
- युरोपेली स्नरको दन्त प्रयोगशाला
- टि.एच.टि. हल्टर

२४ घण्टा इमरजेन्सी सेवा

७०६ गंगालाल मार्ग, छत्रपाटी, काठमाडौं, फोन: ५३१६१३८, ५३५७९११, ५३६६२२९